

Headline	Hanya pembakaran lebihan gas		
MediaTitle	Harian Metro		
Date	18 Apr 2019	Language	Malay
Circulation	112,705	Readership	338,115
Section	Setempat	Page No	22
ArticleSize	134 cm ²	Journalist	N/A
PR Value	RM 15,777		



Kuantan

Hanya pembakaran lebihan gas



Video konautnya berlaku kebakaran di Alliance Steel (M) Sdn Bhd (ASSB) yang tular di media sosial malam kelmarin bukan insiden kebakaran, tetapi disebabkan pembakaran lebihan gas yang terhasil daripada proses pembakaran arang batu.

Pengarah Jabatan Bomba dan Penyelamat Malaysia (JBPM) negeri Nor Hisham Mohammad berkata, kebakaran itu tidak membabitkan kilang ASSB yang terletak di Taman Perindustrian Malaysia China Kuantan (MCKIP) Gebeng di sini.

Menurutnya, sepasukan anggota dari Balai Bomba dan Penyelamat Gebeng bersama empat pegawai penyiasat kebakaran ke lokasi pada jam 11.45

malam dan mendapati kejadian itu berlaku di blok relau pembakaran arang batu (Coal Coking Plant).

“Ia tidak membabitkan kebakaran kilang seperti yang didakwa melalui penularan gambar dan video itu.

“Kejadian jam 9.40 malam itu berlaku selepas gangguan bekalan elektrik di dalam kawasan kilang tetapi bukan berpunca daripada pencawang Tenaga Nasional Berhad (TNB),” katanya dalam satu kenyataan media di sini, semalam.

Beliau berkata, ketika berlaku gangguan bekalan elektrik, kipas penyedut (extraction fan) di blok relau pembakaran arang batu terhenti.